



MUNYATUL MUSOLLI

(Cita-Cita Orang Yang Bersembahyang)

28 SOLAT-SOLAT SUNAT

Dan setengah daripada kesempurnaan orang yang memelihara atas sembahyang dan mendirikan dia, membaikkannya memelihara segala sunat rawatibnya; segala sunat yang dituntut oleh syara' mengerjakan dia dahulu daripada sembahyang fardhu dan yang kemudiannya, kerana ada yang demikian itu segala sunat ia menampalkan kekurangan fardhunya. Maka apabila jatuh pada fardhu kekurangan atau cedera dari sebab sedikit khushu' dan ketiadaan hadir hati, lalainya daripada demikian itu, adalah segala sunatnya itu menyempurnakan demikian itu kurangnya dan membaikkannya bagi demikian cedera itu.

1. Solat Sunat Rawatib

Dan jika tiada sunatnya, maka tinggallah sembahyang fardhunya itu kurang, dan cedera, dan luputlah ia daripada fadhilat yang amat besar, yang dijanji bagi orang yang mengerjakan dia.

Dan bagi orang yang mengerjakan dia dapat darjat yang tinggi. Dan lagi adalah segala sunat itu labanya dan fardhu itu kepala modalnya. Dan apa faedah orang yang berniaga yang tiada dapat laba, kerana fardhu itu Allah ﷻ fardhukan dia dan sunatnya itu ia mendatang dirinya, lagi menuntut dikasih dan redhaNya akan dia.

Dan sesungguhnya, telah datang bahawasanya pertama-tama suatu yang dihisab atasnya akan hambaNya itu sembahyang. Apabila didapatnya kurang, dikatakan tilik oleh kamu, "Adakah baginya daripada yang sunat yang disempurnakan dengan dia akan sembahyang?"

Dan adalah ratib terbahagi ia atas dua bahagi:

Yang Pertama: Rawatib muakkad, iaitu:

- i. Dua raka'at dahulu daripada Subuh, dan
 - ii. Dua raka'at dahulu daripada Zohor, dan
 - iii. Dua raka'at kemudian daripadanya.
- Bermula sembahyang Juma'at demikian jua seperti Zohor, dan
- iv. Dua raka'at kemudian daripada Maghrib, dan
 - v. Dua raka'at kemudian daripada 'Isya', iaitu sepuluh raka'at, dan

Keduanya: Sunat Rawatib Ghairu Muakkad, iaitu dua belas raka'at:

- i. Dua raka'at dahulu daripada Zohor, dan
- ii. Dua raka'at kemudian daripada keduanya, dan
- iii. Empat raka'at dahulu daripada 'Asor, dan
- iv. Dua raka'at dahulu daripada Maghrib, dan
- v. Dua raka'at dahulu daripada 'Isya'.

Maka dinamakan sunat yang muakkad dan ghairu muakkad sekaliannya rawatib dan **tawabi'** (تَوَاعِي - yang mengikut) bagi fardhu.

Maka wajib disebutkan rawatib yang ada qabliyyah dan yang ba'diyyah itu disebut akan qabliyyah dan ba'diyyah. Dan yang tiada ba'diyyah disebut akan qabliyyah. Seperti dikatanya:

أُصَلِّي سُنَّةَ الصُّبْحِ رَكَعَتَيْنِ لِلَّهِ تَعَالَى

“Sahaja aku sembahyang sunat Subuh dua raka'at kerana Allah تعالى.”

Atau:

أُصَلِّي سُنَّةَ الْعَصْرِ رَكَعَتَيْنِ لِلَّهِ تَعَالَى

“Sahaja aku sembahyang sunat 'Asor dua raka'at kerana Allah تعالى.”

Dan pada Zohor atau Maghrib atau 'Isya':

أُصَلِّي سُنَّةَ الظُّهْرِ قَبْلِيَّةً لِلَّهِ تَعَالَى

“Sahaja aku sembahyang sunat Zohor sebelumnya kerana Allah تعالى.”

Atau:

أُصَلِّي سُنَّةَ الظُّهْرِ بَعْدِيَّةً

“Sahaja aku sembahyang sunat Zohor selepasnya.”

Maka qiaskanlah pada Maghrib dan 'Isya' seperti yang demikian itu jua.

2. Solat Sunat Witir

Dan setengah daripada sunat yang muakkad dikerjakan dan dikekalkan mengerjakan dia sembahyang witir. Sabda Nabi ﷺ:

الْوِتْرُ حَقٌّ فَمَنْ لَمْ يُوتِرْ فَلَيْسَ مِنَّا

“Bermula sembahyang witir sebenarnya maka barangsiapa tiada mengerjakan witir, maka tiadalah daripada kami.”

Dan sebanyak-banyak sembahyang witir itu sebelas raka'at dan sekurang-kurangnya seraka'at. Tetapi sayugianya, jangan dikerjakan dia seraka'at jua kerana **Khilaf Al-Aula** (خِلافِ الْأُولَى). Dan tiada mengapa ia simpankan sekurang-kurang akmalnya, tiga raka'at. Dibaca ayatnya pada raka'at pertama kemudian daripada Fatihah [سَبِّحْ اسْمَ], dan pada raka'at yang keduanya kemudian daripada Fatihah [قُلْ يَا أَيُّهَا الْكَافِرُونَ], dan pada raka'at yang ketiganya kemudian daripada Fatihah: [قُلْ هُوَ اللَّهُ أَحَدٌ].

Demikian lafaz niatnya:

أُصَلِّي سُنَّةَ الْوُتْرِ رَكَعَتَيْنِ لِلَّهِ تَعَالَى

“Sahaja aku sembahyang sunat witir dua raka’at keran Allah تعالى.”

Dan pada lafaz niat yang seraka’at itu, demikian bunyinya:

أُصَلِّي سُنَّةَ الْوُتْرِ رَكْعَةً لِلَّهِ تَعَالَى

“Sahaja aku sembahyang sunat witir satu raka’at kerana Allah تعالى.”

3. Solat Sunat Dhuha

Dan setengah dariada sembahyang sunat yang muakkad pada Dhuha. Sabda Nabi ﷺ:

مَنْ حَافِظَ عَلَى شَفْعَةِ الضُّحَى غُفِرَتْ لَهُ ذُنُوبُهُ وَإِنْ كَانَتْ مِثْلَ زَبَدِ الْبَحْرِ.

“Barangsiapa memelihara atas dua raka’at Dhuha diampunkan baginya segala dosanya (yang kecil) dan jikalau ada ia seumpama buih di laut.”

Dan lagi sabda Nabi ﷺ:

“Berpagi-pagi atas tiap-tiap segala sendi daripada seorang kamu berkehendak sedekah. Maka tiap-tiap tasbih sedekah, dan tahmid sedekah, dan tiap-tiap tahlil sedekah, dan tiap-tiap takbir sedekah, dan menyuruh dengan ma’ruf sedekah, dan tegah daripada mungkar sedekah, dan memadai daripada yang demikian itu dua raka’at yang disembahyang keduanya daripada sunat Dhuha. Maka adalah sekurang-kurangnya dua raka’at.”

Demikian lafaz niatnya:

أُصَلِّي سُنَّةَ الضُّحَى رَكَعَتَيْنِ لِلَّهِ تَعَالَى

“Sahaja aku sembahyang sunat Dhuha dua raka’at kerana Allah تعالى.”

Dan sebanyaknya delapan (8) raka’at. Kata qil dua belas raka’at. Dan waktunya, kemudian daripada naik matahari segalah, dan yang afdhalnya serubu’ hari. Dan dibacakan surah kemudian daripada Fatihah pada raka’at yang pertama:

وَالشَّمْسِ وَضُحَاهَا

Dan pada raka’at yang kedua kemudian daripada Fatihah:

وَالضُّحَى وَاللَّيْلِ إِذَا سَجَى

4. Solat Sunat Isyraq

Dan sunat memelihara sunat Isyraq dua raka'at. Waktunya, naik matahari sekira-kira lepas waktu karahiyyah. Dan lafaz niatnya:

أُصَلِّي سُنَّةَ الْإِشْرَاقِ رَكْعَتَيْنِ لِلَّهِ تَعَالَى

“Sahaja aku sembahyang sunat Isyraq dua raka'at kerana Allah Ta'ala.”

Dan dibaca ayatnya:

قُلْ يَا أَيُّهَا الْكَافِرُونَ

Dan:

قُلْ هُوَ اللَّهُ أَحَدٌ

5. Solat Sunat Awwabin

Dan demikian lagi sunat memelihara Awwabin, iaitu dua puluh raka'at. Sekurang-kurangnya dua raka'at. Dan waktunya antara Maghrib dan 'Isya'. Demikian lafaz niatnya:

أُصَلِّي سُنَّةَ الْآوَابِينَ رَكْعَتَيْنِ لِلَّهِ تَعَالَى

“Sahaja aku sembahyang sunat Awwabin dua raka'at kerana Allah Ta'ala.”

6. Solat Sunat Zawal

Dan demikian lagi sunat Zawal (gelincir matahari). Demikian lafaz niatnya:

أُصَلِّي سُنَّةَ الزَّوَالِ رَكْعَتَيْنِ لِلَّهِ تَعَالَى

“Sahaja aku sembahyang sunat Zawal dua raka'at kerana Allah تعالى.”

7. Solat Sunat Tahiyatul Masjid

Dan demikian lagi, dua raka'at sunat Tahiyatul Masjid:

أُصَلِّي سُنَّةَ تَحِيَّةِ الْمَسْجِدِ رَكْعَتَيْنِ لِلَّهِ تَعَالَى.

“Sahaja aku sembahyang sunat tahiyatul masjid dua raka'at kerana Allah تعالى.”

8. Solat Sunat Wudhu'

Dan sunat Wudhu':

أُصَلِّي سُنَّةَ الْوُضُوءِ رَكْعَتَيْنِ لِلَّهِ تَعَالَى

“Sahaja aku sembahyang sunat wudhu' dua raka'at kerana Allah تعالى.”

9. Solat Sunat Musafir

Dan dua raka'at sunat orang yang hendak pergi-pergian. Demikian lafaz niatnya:

أُصَلِّي سُنَّةَ السَّفَرِ رَكَعَتَيْنِ لِلَّهِ تَعَالَى

“Sahaja aku sembahyang sunat safar (musafir) dua raka'at kerana Allah تعالى.”

10. Solat Sunat Qudum

Dan demikian lagi sunat Qudum. Demikian lafaz niatnya:

أُصَلِّي سُنَّةَ الْقُدُومِ رَكَعَتَيْنِ لِلَّهِ تَعَالَى

“Sahaja aku sembahyang sunat Qudum dua raka'at kerana Allah تعالى.”

11. Solat Sunat Taubat

Dan dua raka'at sunat Taubat. Demikian lafaz niatnya:

أُصَلِّي رَكَعَتَيْنِ سُنَّةَ التَّوْبَةِ لِلَّهِ تَعَالَى

“Sahaja aku sembahyang dua raka'at sunat taubat kerana Allah تعالى.”

12. Solat Sunat Berkahwin

Dan dua raka'at sunat berkahwin. Demikian lafaz niatnya:

أُصَلِّي سُنَّةَ الْعُرُوسِ رَكَعَتَيْنِ لِلَّهِ تَعَالَى

“Sahaja aku sembahyang dua raka'at sunat berkahwin kerana Allah تعالى.”

13. Solat Sunat Berhenti Musafir

Dan dua raka'at sunat perhentian bagi orang yang musafir. Demikian lafaz niatnya:

أُصَلِّي سُنَّةَ الْمَنْزِلِ رَكَعَتَيْنِ لِلَّهِ تَعَالَى

“Sahaja aku sembahyang sunat perhentian dua raka'at kerana Allah تعالى.”

14. Solat Sunat Ihram

Dan dua raka'at sunat Ihram. Demikian lafaznya:

أُصَلِّي رَكَعَتَيْنِ سُنَّةَ الْإِحْرَامِ لِلَّهِ تَعَالَى

“Sahaja aku sembahyang dua raka'at sunat Ihram kerana Allah تعالى.”

Sama ada Ihram haji atau 'umrah.

15. Solat Sunat Tawaf

Dan dua raka'at sunat Tawaf. Demikian lafaz niatnya:

أُصَلِّي رَكَعَتَيْنِ سُنَّةَ الطَّوَافِ لِلَّهِ تَعَالَى

“Sahaja aku sembahyang dua raka'at sunat Tawaf kerana Allah تعالى.”

16. Solat Sunat Istikharah

Dan dua raka'at sunat istikharah bagi orang yang kesamaran antara dua pekerjaan, pinta Allah ﷻ memilih kebajikan baginya. Demikianlah lafaz niatnya:

أُصَلِّي سُنَّةَ الْإِسْتِخَارَةِ رَكَعَتَيْنِ لِلَّهِ تَعَالَى اللَّهُ أَكْبَرُ

“Sahaja aku sembahyang dua raka'at sunat istikharah kerana Allah تعالى. Allahu Akbar.”

Maka dibacanya surah kemudian daripada Fatihah pada raka'at yang pertama (قُلْ يَا أَيُّهَا (الْكَافِرُونَ) dan pada raka'at yang kedua kemudian daripada Fatihah (قُلْ هُوَ اللَّهُ أَحَدٌ). Kemudian daripada memberi salam dibacakan doa yang dibaca oleh Nabi ﷺ iaitu:

اللَّهُمَّ إِنِّي أَسْتَخِيرُكَ بِعِلْمِكَ، وَأَسْتَقْدِرُكَ بِقُدْرَتِكَ، وَأَسْأَلُكَ مِنْ فَضْلِكَ الْعَظِيمِ، فَإِنَّكَ تَقْدِرُ وَلَا أَقْدِرُ، وَتَعْلَمُ وَلَا أَعْلَمُ، وَأَنْتَ عَلَّامُ الْغُيُوبِ، اللَّهُمَّ إِنْ كُنْتَ تَعْلَمُ أَنَّ هَذَا الْأَمْرَ خَيْرٌ لِي فِي دِينِي وَمَعَاشِي وَعَاقِبَةِ أَمْرِي عَاجِلِهِ وَآجِلِهِ، فَاقْدُرْهُ لِي، وَيَسِّرْهُ لِي، ثُمَّ بَارِكْ لِي فِيهِ، وَإِنْ كُنْتَ تَعْلَمُ أَنَّ هَذَا الْأَمْرَ شَرٌّ لِي فِي دِينِي وَمَعَاشِي وَعَاقِبَةِ أَمْرِي عَاجِلِهِ وَآجِلِهِ، فَاصْرِفْهُ عَنِّي، وَاقْدِرْ لِي الْخَيْرَ حَيْثُ كَانَ ثُمَّ أَرْضِنِي بِهِ.

“Ya Allah! Sesungguhnya aku memohon pemilihanMu menerusi pengetahuanMu dan aku memohon kekuatanMu menerusi qudratMu serta aku minta padaMu sebahagian dari limpah kurniaMu yang sangat besar. Sesungguhnya Engkau amat berkuasa sedangkan aku tidak berkuasa. Engkau amat mengetahui sedangkan aku tidak mengetahui dan sesungguhnya Engkau amat mengetahui segala yang ghaib. Ya Allah! Kiranya Engkau mengetahui bahawa perkara ini adalah baik bagiku dalam urusan agamaku, juga dalam urusan penghidupanku serta natijah pada urusanku, kini dan akan datang, maka tetapkanlah ia bagiku dan permudahkanlah ia untukku, serta berkatilah daku padanya. Dan kiranya Engkau mengetahui bahawa perkara ini membawa kejahatan kepadaku dalam urusan agamaku, juga dalam urusan penghidupanku dan natijah urusanku, kini dan akan datang, maka elakkanlah ia dariku dan tetapkanlah kebaikan untukku sebagaimana sepatutnya, kemudian jadikanlah daku meredhainya.”

Riwayat Bukhari ﴿﴾, maka disebut akan hajatnya pada katanya: [إِنْ هَذَا الْأَمْرُ] pada dua tempat itu.

17. Solat Sunat Hajat

Dan setenagh daripadanya, sunat sembahyang hajat dua raka'at. Demikian lafaz niatnya:

أُصَلِّي سُنَّةَ الْحَاجَةِ رَكَعَتَيْنِ لِلَّهِ تَعَالَى اللَّهُ أَكْبَرُ

“Sahaja aku sembahyang sunat hajat dua raka'at kerana Allah تعالى.”

Maka dibaca akan ayatnya [قُلْ يَا أَيُّهَا الْكَافِرُونَ] pada raka'at yang pertama, dan [قُلْ هُوَ اللَّهُ أَحَدٌ] pada raka'at yang keduanya, dan kemudian daripada salam dibacanya:

الْحَمْدُ لِلَّهِ حَمْدًا يُؤَافِي نِعَمَهُ وَيُكَافِي مَزِيدَهُ، يَا رَبَّنَا لَكَ الْحَمْدُ كَمَا يَنْبَغِي لِجَلَالِ وَجْهِكَ وَعَظِيمِ
سُلْطَانِكَ.

“Pujian itu bagi Allah, pujian yang akan menyempurnakan nikmatNya dan menjaminkan pertambahannya. Wahai Tuhan kami! Pujian itu bagi Engkau sebagaimana yang selayaknya bagi kemuliaan wajah Engkau dan kebesaran kekuasaan Engkau.”

Kemudian ia solawat akan Nabi ﷺ seperti solawat yang di dalam tasyahhud akhir. Kemudian memohonkan Allah ﷻ akan hajatnya. Maka solawat pula, kemudian maka dibacanya:

سُبْحَانَ رَبِّكَ رَبِّ الْعِزَّةِ عَمَّا يَصِفُونَ، وَسَلَامٌ عَلَى الْمُرْسَلِينَ، وَالْحَمْدُ لِلَّهِ رَبِّ الْعَالَمِينَ.

“Maha sucilah Tuhan Engkau, Tuhan yang Mulia itu daripada apa yang mereka sifatkan. Dan selamat sejahteralah sekalian Rasul dan pujian itu bagi Allah, Tuhan yang mentadbir sekalian alam.”

بِسْمِ اللَّهِ الرَّحْمَنِ الرَّحِيمِ، لَا إِلَهَ إِلَّا أَنْتَ سُبْحَانَكَ إِنِّي كُنْتُ مِنَ الظَّالِمِينَ، حَسْبُنَا اللَّهُ وَنِعْمَ
الْوَكِيلُ، إِنِّي مَسْنِي الصُّرَّةِ وَأَنْتَ أَرْحَمُ الرَّاحِمِينَ، وَأَفْوَضُ أَمْرِي إِلَى اللَّهِ إِنَّ اللَّهَ بَصِيرٌ بِالْعِبَادِ، يَا مَنْ
ذَكَرَهُ شَرَفُ الذَّاكِرِينَ، يَا مَنْ طَاعَتُهُ نَجَاةُ الطَّائِعِينَ، وَيَا مَنْ رَأْفَتُهُ مَلْجَأُ الْعَالَمِينَ، وَيَا مَنْ لَا يَخْفَى
عَلَيْهِ نَبَأٌ إِرْحَمْنِي بِرَحْمَتِكَ يَا أَرْحَمَ الرَّاحِمِينَ.

“Nama Allah Yang Maha Pemurah lagi Maha Pengasih. Tiada Tuhan kecuali Engkau, Maha suci Engkau, sesungguhnya aku adalah dari kalangan orang-orang yang zalim. Cukuplah daku dengan Allah dan Dia adalah sebaik-baik wakil untuk berserah. Sesungguhnya aku telah ditimpa kesusahan sedang Engkau adalah Tuhan yang amat mengasihani, aku menyerahkan urusanku ini kepada Allah. Sesungguhnya Allah itu amat melihat pada sekalian hamba. Wahai Tuhan yang zikirNya adalah semulia para penzikir, wahai Tuhan yang ketaatanNya menyelamatkan sekalian orang yang taat, wahai Tuhan yang belas kasihanNya dapat melepaskan sekalian makhluk dan wahai Tuhan yang segala perkhabaran tidak terlepas daripada pengetahuanNya. Wahai Tuhan yang Maha Pengasih, kasihanilah daku dengan rahmatMu.”

18. Solat Sunat Tasbih

Dan setengah daripadanya, sunat kita **muwazhabahkan** (مواظبهكن), yakni mengekalkan dan mengamalkan sembahyang tasbih kerana amat besar fadhilatnya, lagi amat besar kadarnya pada Allah ﷻ, serta muwafakat segala ulama' pada suruh mengerjakan dan mengekalkan dia pada tiap-tiap hari jika kuasa. Maka jika tiada, maka tiap-tiap Juma'at. Dan jika tiada, maka tiap-tiap bulan. Dan jika tiada, maka tiap-tiap tahun sekali. Dan jika tiada, maka di dalam seumur hidup sekali. Maka diampunkan dia Allah dosanya jikalau ada barang ada, dan jikalau sebilang-bilang buih di laut, dan kerisik di pantai, dan sama ada dosanya yang disengajanya, atau tersalahnya, dan yang lamanya, dan baharunya, dan nyatanya, dan sembunyinya.

Demikianlah yang tersebut pada hadits, iaitu empat raka'at dengan satu salam atau dua salam. Demikian lafaz niatnya:

أُصَلِّي سُنَّةَ التَّسْبِيحِ لِلَّهِ تَعَالَى. اللَّهُ أَكْبَرُ

“Sahaja aku sembahyang sunat tasbih dua raka'at kerana Allah تعالى. Allahu Akbar.”

Kemudian dibaca surah [إِذَا زُلْزِلَتِ الْأَرْضُ] pada raka'at yang pertamanya, dan surah [وَالْعَادِيَاتِ] pada raka'at yang kedua, dan surah [أَلْهَاكُمْ التَّكَاثُرُ] pada yang ketiganya, dan [قُلْ هُوَ اللَّهُ أَحَدٌ] pada raka'at yang keempatnya.

Maka adalah ia dua kaifiat:

Yang pertama, dibacakan tasbihnya pada tiap-tiap raka'at kemudian daripada Fatihah dan surah 15 kali.

Atau dibaca tasbihnya 15 dahulu daripada membaca Fatihah dan surah, dan 10 kali kemudian daripada keduanya atas kaifiat yang keduanya. Jadilah 25 tasbih di dalam tiap-tiap qiyam.

Dan atas kata yang dahulu adalah tasbihnya di dalam tiap-tiap qiyam 15 kali jua. Dan tasbihnya itu:

سُبْحَانَ اللَّهِ، وَالْحَمْدُ لِلَّهِ، وَلَا إِلَهَ إِلَّا اللَّهُ، وَاللَّهُ أَكْبَرُ، وَلَا حَوْلَ وَلَا قُوَّةَ إِلَّا بِاللَّهِ الْعَلِيِّ الْعَظِيمِ.

“Maha suci Allah, segala puji bagi Allah, tiada Tuhan melainkan Allah, Allah Maha Besar. Tiada daya dan upaya melainkan dengan Allah yang Maha Tinggi lagi Maha Besar.”

Dan 10 kali di dalam tiap-tiap ruku' kemudian daripada tasbih ruku'nya. Dan 10 kali di dalam tiap-tiap i'tidal. Dan 10 kali di dalam tiap-tiap sujud kemudian daripada tasbihnya. Dan 10 kali di dalam tiap-tiap duduk antara dua sujud. Dan 10 kali di dalam sujud yang kedua. Dan 10 kali di dalam duduk istirahat atau duduk tasyahhud atas kaifiat yang pertama, yang dibaca 15 kali jua tiap-tiap qiyam.

Adapun atas kaifiat yang membaca 25 kali, tiada lagi dibaca tasbihnya di dalam duduk istirahat atau di dalam tasyahhud. Maka jadilah perhimpunan tasbihnya 300 kali.

Dan jika dikehendaki membaca doa Qutub ini pada akhir tasyahhud dan solawat dahulu daripada salam, maka iaitu terlebih akmal. Iaitu:

اللَّهُمَّ إِنِّي أَسْأَلُكَ تَوْفِيقَ أَهْلِ الْهُدَى، وَأَعْمَالَ أَهْلِ الْيَقِينِ، وَمُنَاصَحَةَ أَهْلِ التَّوْبَةِ، وَعَزَمَ أَهْلِ الصَّبْرِ، وَجِدَّ أَهْلِ الْخَشْيَةِ، وَطَلَبَ أَهْلِ الرَّغْبَةِ، وَتَعَبَّدَ أَهْلَ الْوَرَعِ، وَعَرَفَانَ أَهْلَ الْعِلْمِ، حَتَّى أَخَافَكَ، اللَّهُمَّ إِنِّي أَسْأَلُكَ مَخَافَةً تَحْجُزُنِي عَنْ مَعَاصِيكَ، حَتَّى أَعْمَلَ بِطَاعَتِكَ عَمَلًا أَسْتَحِقُّ بِهِ رِضَاكَ، وَحَتَّى أُنَاصِحَكَ فِي التَّوْبَةِ، خَوْفًا مِنْكَ وَحَتَّى أُخْلِصَ لَكَ فِي النَّصِيحَةِ، حُبًّا لَكَ وَحَتَّى أَتَوَكَّلَ عَلَيْكَ فِي الْأُمُورِ كُلِّهَا حُسْنًا ظَنًّا بِكَ، سُبْحَانَ خَالِقِ الثَّوَرِ.

“Ya Allah! Sesungguhnya aku bermohon ke hadratMu petunjuk orang yang mendapat petunjuk, amalan orang yang yakin, kesucian orang yang bertaubat, keteguhan orang yang bersabar, kesungguhan orang yang takut, tuntutan orang yang ingin, pengabdian orang yang warak, kearifan orang yang berilmu, sehinggalah aku berasa takut terhadap Engkau. Ya Allah! Sesungguhnya aku bermohon ke hadratMu perasaan takut yang dapat melindungi daku dari menderhakaiMu, sehingga aku dapat beramal dengan mentaatiMu dengan suatu amalan yang aku berhak mendapat keredhaanMu, sehingga aku dapat menyucikan taubatku terhadapMu kerana takut kepadaMu, sehingga aku dapat mentulusi penyucian itu terhadapMu kerana kasih kepadaMu dan sehingga aku berserah kepadaMu dalam semua urusanku kerana sangkaan baikku terhadapMu. Maha sucilah Tuhan yang menjadikan cahaya yang dapat memberi petunjuk.”

Kemudian memberi salam ia.

19. Solat Sunat Hari Raya

Dan setengah daripada sunat muakkadah, sembahyang hari raya keduanya iaitu Hari Raya Haji dan Hari Raya Fitrah. Maka lafaz niat keduanya:

أُصَلِّي سُنَّةَ عِيدِ الْأَضْحَى رَكَعَتَيْنِ لِلَّهِ تَعَالَى. اللَّهُ أَكْبَرُ

“Sahaja aku sembahyang sunat Hari Raya Udhiyyah (أضحى) dua raka’at kerana Allah تعالى. Allahu Akbar.

أُصَلِّي سُنَّةَ عِيدِ الْفِطْرِ رَكَعَتَيْنِ لِلَّهِ تَعَالَى. اللَّهُ أَكْبَرُ

“Sahaja aku sembahyang sunat Hari Raya Fitrah dua raka’at kerana Allah تعالى. Allahu Akbar.

Kemudian ia baca doa iftitah. Kemudian maka takbir tujuh kali serta mengangkat dua tangan seperti takbiratul ihram tujuh (7) kali pada raka’at yang pertamanya, dan lima (5) kali pada raka’at yang keduanya dahulu daripada membaca fatihah.

Kemudian, dibacanya Fatihah dan surah سَبِّح اسم pada raka’at yang pertama dan surah هَلْ أَتَى pada raka’at yang kedua kemudian daripada Fatihah.

Dan sunat diselangi antara takbir yang tujuh (7) dan antara takbir yang lima (5) itu dengan:

سُبْحَانَ اللَّهِ وَالْحَمْدُ لِلَّهِ وَلَا إِلَهَ إِلَّا اللَّهُ وَاللَّهُ أَكْبَرُ.

“Maha suci Allah, segala puji bagi Allah, tiada Tuhan melainkan Allah, Allah Maha Besar.”

Kemudian jika sembahyang berjama'ah maka sunat dibaca khutbah kemudian daripada sembahyang kedua hari raya itu. Dimulai pada awal khutbah yang pertama dengan takbir sembilan kali berturut-turut, dan pada khutbah yang keduanya tujuh kali berturut-turut. Adalah kedua khutbahnya itu seperti khutbah Juma'at. Maka dinyatakan di dalam kedua khutbah itu hukum bicara korban pada khutbah Hari Raya Korban dan bicara hukum zakat fitrah pada Hari Raya Fitrah.

Dan sunat takbir pada dua hari raya keduanya takbir mutlaq masuk kepada sembahyang. Maka habislah takbir yang mursal pada kedua hari itu dengan takbir imam jika sembahyang berjama'ah, atau takbir dirinya jika ia sembahyang seorang dirinya.

Dan sunat takbir muqayyad pada Hari Raya Haji, dimulai daripada Subuh hari Arafah hingga akhir 'Asor hari Tasyriq kemudian daripada tiap-tiap sembahyang. Dan jika orang haji, maka sunat dimulai takbirnya yang muqayyad daripada Zohor Hari Raya Haji hingga Subuh akhir hari Tasyriq, yakni hingga Subuh hari yang ketiga belas.

Dan lafaz takbirnya, iaitu:

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، لَا إِلَهَ إِلَّا اللَّهُ وَاللَّهُ أَكْبَرُ، اللَّهُ أَكْبَرُ وَاللَّهُ الْحَمْدُ.

“Allah Maha Besar, Allah Maha Besar, Allah Maha Besar, Tiada Tuhan melainkan Allah, Allah Maha Besar, Allah Maha Besar dan bagi Allah segala puji.”

Tiga kali, kemudian sunat ditambahi kemudian daripada tiga kali dengan:

اللَّهُ أَكْبَرُ كَثِيرًا، وَالْحَمْدُ لِلَّهِ كَثِيرًا، وَسُبْحَانَ اللَّهِ بُكْرَةً وَأَصِيلًا، لَا إِلَهَ إِلَّا اللَّهُ وَلَا نَعْبُدُ إِلَّا إِيَّاهُ، مُخْلِصِينَ لَهُ الدِّينَ وَلَوْ كَرِهَ الْكَافِرُونَ، لَا إِلَهَ إِلَّا اللَّهُ وَحْدَهُ، صَدَقَ وَعْدُهُ، وَنَصَرَ عَبْدَهُ، وَهَزَمَ الْأَحْزَابَ وَحْدَهُ، لَا إِلَهَ إِلَّا اللَّهُ، وَاللَّهُ أَكْبَرُ.

“Allah Maha Besar sebesar-besarnya. Pujian bagi Allah sebanyak-sebanyaknya. Maha Suci Allah itu waktu siang dan malam, tiada Tuhan melainkan Allah, kami tidak menyembah kecuali kepadaNya dengan keadaan ikhlas beragama kepadaNya, walaupun dibenci oleh orang kafir. Tiada Tuhan melainkan Allah sahaja yang menepati janji, menolong hambaNya dan mengalahkan musuh-musuh tanpa bantuan sesiapa. Tiada Tuhan melainkan Allah dan Allah Maha Besar.”

Maka waktunya itu, iaitu keluar matahari hingga gelincir matahari. Tetapi dita'khirkan hingga naik matahari segalah itu afdhal.

20. Solat Sunat Tarawih

Dan setengah daripada sunat yang muakkad sembahyang tarawih. Demikian lafaz niatnya:

أُصَلِّي سُنَّةَ التَّرَاوِيحِ رَكَعَتَيْنِ لِلَّهِ تَعَالَى اللَّهُ أَكْبَرُ

“Sahaja aku sembahyang sunat tarawih dua raka’at kerana Allah تعالى. Allahu Akbar.”

Iaitu dikerjakan pada tiap-tiap malam bulan Ramadhan. Waktunya, kemudian daripada sembahyang ‘Isya’ hingga keluar fajar. Adalah ia dituntut berjama’ah iaitu dua puluh raka’at. Tiap-tiap dua raka’at membaca tahiyyat dan memberi salam. Maka tiada sah dikerjakan empat raka’at dengan satu salam. Dan sunat dinyaringkan bacaannya. Maka tiap-tiap empat raka’at dinamakan satu tarawih.

Kemudian sembahyang witir kemudian daripadanya. Dan sunat dibawa qunut pada witir nisfu yang keduanya daripada Ramadhan.

21. Solat Sunat Gerhana Matahari

Dan setengah daripadanya muakkad, sembahyang gerhana matahari. Sekurang-kurang ia sembahyang seperti sunat Zohor jua, iaitu dua raka’at, dua ruku’, dan empat sujud. Dan yang akmal daripadanya ia sembahyang dua raka’at, tetapi dua qiyam, dan dua ruku’, dan dua i’tidal, dan dua sujud. Dan yang akmalnya, dipanjangkan pada tiap-tiap qiyamnya, dan ruku’nya, dan dua sujudnya.

Demikian lafaz niatnya:

أُصَلِّي سُنَّةَ كُسُوفِ الشَّمْسِ رَكَعَتَيْنِ لِلَّهِ تَعَالَى. اللَّهُ أَكْبَرُ

“Sahaja aku sembahyang sunat gerhana matahari dua raka’at kerana Allah تعالى. Allahu Akbar.

Maka dibaca doa iftitah, dan a’uzubillah (أَعُوذُ بِاللَّهِ), dan fatihah, dan surah Baqarah, atau umpamanya. Dan pada surah kemudian daripada Fatihah pada qiyam yang keduanya surah Aali Imran atau kadarnya. Dan pada qiyam yang ketiga surah Al-Nisa’ atau kadarnya. Dan pada qiyam yang keempat surah Al-Maidah atau kadarnya, dan pada ruku’nya yang pertama dan sujudnya yang pertama kadar seratus ayat daripada surah Al-Baqarah, dan pada ruku’ yang kedua dan sujud yang kedua kadar delapan puluh (80) ayat daripadanya, dan pada ruku’nya yang ketiga dan sujudnya yang ketiga kadar tujuh puluh (70) ayat daripadanya, dan pada ruku’ yang keempat dan sujud yang keempat pada kadar lima puluh (50) ayat daripadanya, dan sunat disirkan (دسركن - diperlahankan) bacaannya.

22. Solat Sunat Gerhana Bulan

Dan demikian lagi, sunat muakkad pula sembahyang gerhana bulan, dengan lafaz:

أُصَلِّي سُنَّةَ خُسُوفِ الْقَمَرِ رَكَعَتَيْنِ لِلَّهِ تَعَالَى اللَّهُ أَكْبَرُ

“Sahaja aku sembahyang sunat gerhana bulan dua raka’at kerana Allah تعالى. Allahu Akbar.”

Maka kaifiatnya seperti kaifiat sembahyang gerhana matahari pada sekurang-kurang dan akmalnya.

Dan sunat membaca khutbah pada kedua gerhana itu jika ia sembahyang berjama'ah. Dan disuruh di dalam keduanya taubat kepada Allah dan mengembalikan akan menzalim dan memerdekakan, dan sedekah dan mendirikan taat Allah ﷻ dan lainnya. Maka khutbahnya seperti khutbah hari raya tetapi tiada takbir pada awal khutbah keduanya.

23. Solat Sunat Hujan

Dan setengah daripadanya, sembahyang minta hujan apabila berhajat kita kepadanya. Diulang-ulangi hingga turun hujan, iaitu dua raka'at seperti sembahyang hari raya. Dan waktunya, seperti waktu sembahyang hari raya pada afdhalnya. Maka harus ia sembahyang barang waktu malam dan siang. Dan lafaz niatnya:

أُصَلِّي سُنَّةَ الْإِسْتِسْقَاءِ رَكَعَتَيْنِ لِلَّهِ تَعَالَى. اللَّهُ أَكْبَرُ

“Sahaja aku sembahyang sunat minta hujan dua raka'at kerana Allah تعالى. Allahu Akbar

Dan sunat takbir pada sembahyangnya, pada raka'at yang pertama tujuh (7) kali, dan pada raka'at yang kedua lima (5) kali. Dan baca antara dua takbirnya seperti yang dibaca pada takbir antara hari raya. Dan sunat dibaca istighfar pada awal khutbah yang pertama sembilan (9) kali dan pada khutbah yang kedua tujuh (7) kali berturut-turut.

Dan lafaznya yang afdhal:

أَسْتَغْفِرُ اللَّهَ الْعَظِيمَ، الَّذِي لَا إِلَهَ إِلَّا هُوَ الْحَيُّ الْقَيُّومُ، وَأَتُوبُ إِلَيْهِ.

Dan sunat dibaca tatkala guruh dan kilat:

سُبْحَانَ مَنْ يُسَبِّحُ الرَّعْدُ بِحَمْدِهِ وَالْمَلَائِكَةُ مِنْ خِيفَتِهِ.

“Maha Suci Dia yang mana guruh dan kilat bertasbih memujiNya, dan para malaikat kerana takut terhadapNya.

Dan jangan mengikut matanya akan kilat. Dan sunat dibacanya tatkala hujan:

اللَّهُمَّ صَيِّبًا نَافِعًا.

“Ya Allah! Turunkan hujan yang bermanfaat.”

Dan apabila kebanyakan hujan yang memberi mudharat dengan dia, dibacanya:

اللَّهُمَّ حَوَالَيْنَا وَلَا عَلَيْنَا، اللَّهُمَّ عَلَى الْآكَامِ وَالظَّرَابِ وَبُطُونِ الْأَوْدِيَةِ وَمَنَابِتِ الشَّجَرِ.

“Ya Allah! Turunkanlah hujan di sekeliling kami dan jangan Engkau turunkan ke atas kami. Ya Allah! Ke atas bukit-bukit, gunung-ganang, perut-perut lembah dan tempat-tempat tumbuh pohon-pohon.”

Dan adalah setengah daripada sembahyang sunat yang tersebut itu tuntutan berjama'ah iaitu sembahyang tarawih, dan witr pada bulan Ramadhan, dan sembahyang dua hari raya, dan sembahyang gerhana keduanya, dan sembahyang minta hujan. Dan yang lain daripada yang tersebut itu tiada dituntut berjama'ah.

24. Solat Sunat Tahajjud

Dan demikian lagi setengah daripada yang tiada dituntut berjama'ah sembahyang tahajjud. Iaitu sembahyang malam kemudian daripada tidur. Sekurang-kurangnya dua raka'at, atau empat raka'at, atau enam raka'at, atau delapan raka'at, afdhal dua raka'at dengan niat tahajjud. Dan lafaz niatnya:

أُصَلِّي سُنَّةَ التَّهَجُّدِ رَكَعَتَيْنِ لِلَّهِ تَعَالَى. اللَّهُ أَكْبَرُ

“Sahaja aku sembahyang sunat tahajjud dua raka'at kerana Allah تَعَالَى. Allahu Akbar.”

25. Solat Sunat Mutlaq

Dan demikian lagi setengah daripada sunat, ia mengerjakan sembahyang sunat mutlak pada malam atau siang yang tiada mempunyai waktu dan sebab. Bermula sembahyang sunat mutlaq yang pada malam itu afdhal daripada sunat mutlaq pada siang hari. Dan jika sembahyang pada malam, diperbuat dua raka'at. Demikian lafaz niatnya:

أُصَلِّي رَكَعَتَيْنِ سُنَّةً لِلَّهِ تَعَالَى اللَّهُ أَكْبَرُ

“Sahaja aku sembahyang sunat dua raka'at kerana Allah تَعَالَى. Allahu Akbar.”

Maka sayugianya, kita memelihara segala sembahyang yang tersebut itu barang yang sedapatnya. Istimewa pula, pada saat-saat kita kerjakan sembahyang malam kerana ia terlebih sangat berat sesuatu atas nafsu. Dan sesungguhnya jadi ringan apabila dikekalkan atasnya, dan sabar atas kepayahannya, dan dengan melawan akan hawa nafsunya pada permulaannya. Kemudian daripada yang demikian itu, jadi dibukakan dia pintu berjinak-jinak ia dengan Allah ﷻ, dan manis munajat dan lazat ia bersunyi dengan Tuhannya. Dan pada ketika yang demikian itu, tiada kenyang seseorang daripada berdiri malam. Istimewa pula, berat atau segan. Seperti barang yang jatuh setengah daripada orang solihin seperti beberapa riwayat yang masyhur daripada hal mereka itu.

Setengah daripadanya, orang yang sembahyang Subuh dengan air sembahyang 'Isya'. Mereka itulah orang yang dapat petunjuk daripada Allah. Maka dengan petunjuk mereka itu kita ikut. Dan jika lemah daripada banyak, maka kerjakan sedikit barang kuasanya.

Maka datang pada hadits, bahawasanya orang yang banyak tidur malam, datang pada hari kiamat faqir. Dan orang yang banyak tidur, menghilangkan berkat umurnya dan sia-sia waktunya yang ada mudanya.

Ketahuiilah olehmu, sedikit amal yang berkekalan terlebih baik daripada banyak yang putus. Sabda Nabi ﷺ:

أَحَبُّ الْأَعْمَالِ إِلَى اللَّهِ أَدْوَمُهَا وَإِنْ قَلَّ

“Yang terlebih kasih amal kepada Allah ﷻ itu, yang dikekalkan dia dan jika sedikit sekalipun.”

Dan sunat mengqadhakan sembahyang sunat yang tersebut itu, apabila luput.

اللَّهُمَّ اجْعَلْنَا مِنَ الْمُحَافِظِينَ وَالْمُقِيمِينَ الصَّلَاةَ الْمُخْلِصِينَ لَوَجْهِكَ الْكَرِيمِ، يَا رَبَّ الْعَالَمِينَ.

“Ya Allah! Jadikanlah kami dari kalangan orang yang memelihara dan mendirikan solat dengan ikhlas semata-mata ZatMu yang Maha Mulia, wahai Tuhan sekalian alam!”

<http://alraufi.blogspot.com/2010/05/kitab-munyatul-musolli-al-allamah.html>